




PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-899/03
Sarajevo, 06.06.2003.



Z A P I S N I K

sa 9. sjednice Ustavno - pravne komisije

Sjednica je usmeno sazvana i održana 06.06.2003. godine s početkom u 11,45 sati do 14,00, a zatim nastavljena 15,30 i završena u 16,15.

Sjednici su prisustvovali svi članovi Komisije i to:

- | | |
|-------------------|------------------------|
| 1. Beriz Belkić | 5. Seada Palavrić |
| 2. Mirsad Ćeman | 6. Petar Kunić |
| 3. Martin Raguž | 7. Tihomir Gligorić i. |
| 4. Miro Ivo Jović | 8. Nijaz Duraković. |

Borislavu Paravcu je prestao poslanički mandat.

Sjednici su prisustvovali predstavnici predlagača zakona, Sajeta ministara BiH: minister Safet Halilović, Srđan Arnaut, kao i predstavnici OSCE Misija u BiH dr. Pingl i Dario Šikuljak, te predstavnica OHR-a Darija Đulović.

Sjednici je prisustvovao sekretar Komisije Milan Zjajić.
Predsjedavajući Komisije Mirsad Ćeman predložio je sljedeći

D N E V N I R E D

1. Verifikacija i ispravka Izvještaja od 02.06.2003. o Prijedlogu okvirnog zakona o osnovnom i srednjem obrazovanju u Bosni i Hercegovini.

Predloženi dnevni red jednoglasno je prihvaćen.

Ad. 1. Verifikacija i ispravka Izvještaja od 02.06.2003. o Prijedlogu okvirnog zakona o osnovnom i srednjem obrazovanju u Bosni i Hercegovini.

Predsjedavajući je podsjetio članove Komisije da je sjednica na kojoj se trebalo raspravljati o Prijedlogu Okvirnog zakona o osnovnom i srednjem obrazovanju u BiH bila zakazana za 28. maj, ali da je, zbog najvaljenog odsustvovanja četiri člana Komisije, morala biti pomjerena za 2.06.2003. Tako da je za izradu izvještaja, obzirom da je sjednica trajala nepunih 10 sati bilo veoma malo vremena i da se izvještaj radio bez stenograma, a bilo je uloženo 85 amandmana, od kojih je Komisija prihvatila 27. Naglasio je da su u cilju iznalaženja kompromisa, mnogi amandmani bili modifikovani i da su se upravo to pojavile i grške, koje nisu na vrijeme uočene.

Dalje je istakao da su na izvještaj najprije reagovali iz Ministarstva civilnih poslova, pošto su učestvovali u kreiranju - modifikaciji amandmana XV. na član 31. i da je kasnije i on lično našao greške u amandmanima XX. i XXIV. koji se odnose na članove 42. i 50. Prijedloga zakona.

Zatim je otvorena diskusija u kojoj su učestvovali svi članovi Komisije. Svi su izrazili spremnost za se iziđe iz novonastale situacije, ali su isticali da se nije moguće opredjeliti bez stenograma sa sjednice Komisije.

Kako je dio stenograma, koji se odnosio na raspravu o amandmanima na član 31. bio urađen, članovi Komisije su jednoglasno prihvatili ispravku XV. amandmana: Tako da amandman XV treba da glasi:

Stav 1. člana 31. na kraju briše se tačka i dodaje sljedeći tekst: "u skladu sa specifičnostima datih privatnih škola u koje spadaju i vjerske škole."

Članovi Komisije nisu prihvatili da se izjašnjavaju o amandmanima XX. i XXIV.

Predsjedavajući je u 14,30 sati zaključio sjednicu.

Na zahtjev Predstavničkog doma sjednica je nastavljena u istom sastavu, sa istom tačkom dnevnog reda u 15,30 sati.

Nakon uvodnih riječi predsjedavajućeg Čemana, za riječ se javila Seada Palavrić i istakla da se iz dijelova stenograma koji su upravo podijeljeni da jasno vidjeti da su stvarno postojale greške i u amandmanima XX. i XXIV i da bi to Komisija trebala prihvatiti.

Zatim je Beriz Belkić izrazio svoje slaganje sa ovakvim stavom naglašivši da je bio ubjeđenja da nema greške kod amandmana 20 u izvještaju, ali da ga je stenogram uvjerio u suprotno. Dodao je da je 8. sjednica bila stvarno teška i da ubuduće Komisija ne bi trebala dozvoliti da dođe u ovakvu situaciju zbog nedostatka vremena za rad i sačinjavanje izvještaja.

Članovi Komisije Miro Ivo Jović i Martin Raguž su u svojim diskusijama naglasili da se eventualnim usvajanjem ispravki, kako su predložene, gube temeljni principi zakona, koje su podržali svi članovi Komisije i bili saglasni da na tim principima mora počivati cijeli tekst zakona. U slučaju prihvatanja predloženog, podvukli su da se treba krenuti od početka rasprave. Tražili su i ispravku, brisanje dijela mandmana na član 9. stav 4.

U cilju iznalaženja kompromisa, Seada Palavrić je predložila izmjenu amandmana na član 1, a predstavnik OSCE-a da se u amandmanu na član 50. dodaju riječi: "u principu".

Zatim su članovi Komisije, pored prihvaćene ispravke amandmana XV, jednoglasno prihvatili sljedeće:

Amandman I, treba da glasi:

U članu 1. stav 1. na kraju se briše tačka i dodaju riječi: "kao i dopunska nastava za djecu državljana BiH u inozemstvu."

U stavu 3. člana 1. početak teksta, do zagrada, treba da glasi: "Organi vlasti nadležni za organiziranje obrazovnog sistema u Brčko Distriktu BiH, Republici Srpskoj, Federaciji BiH i kantonima u skladu sa ustavom"

Amandman V, treba da glasi:

U članu 9. stav 4. se mijenja i glasi: "Učenici koji ne žele pohađati vjeronauku neće ni na koji način biti dovedeni u nepovoljan položaj u odnosu na druge učenike."

Amandman XX, treba da glasi:

U stavu 2. člana 42. iza riječi: "ministri obrazovanja entiteta" dodaju se riječi: "kantona"

U stavu 3. člana 42. tekst iza riječi: "usvajaju i potpisuju" mijenja i glasi: "ministri obrazovanja entiteta, ministri obrazovanja svih kantona iz Federacije Bosne i Hercegovine, te predstavnik Brčko Distrikta Bosne i Hercegovine."

Amandman XXIV, treba da glasi:

U članu 50. na kraju stava 4. se dodaju riječi: "u principu prema popisu stanovništva u BiH iz 1991. godine"

Predsjedavajući je u 16,15 sati zaključio sjednicu.

SEKRETAR KOMISIJE

Milan Zjajić



PREDSJEDAVAJUĆI KOMISIJE

Mirsad Čeman

